

VAR SUJET AR CHISIOU NEVE.

Var ten : *Cetu me eru, va mignon.*

Brema, pa m'eus eun tam amzer;
Pluen ha liou un tam paper,
Me gomposo hirie an de
Var sujet ar Chisiou neve.

Nep n'a gompreñ netra abet
Vo, marteze, eun tam choquet;
Nep n'eus squient ha talanchou,
O clévet ane a c'hoarzo.

N'en devo den l'ec'h da facha,
Diouzomp oll e cozean;
Pépin'in devo e voquet :
Grit attantion, me ho ped.

Ar bed zo sclerijeanet,
Ar sperejou zo digoret ;
En amzer gos meus remerqet
An dud voa muioc'h guenaouec.

En amzer gos mens remerqet
Pa vije da vont d'eur banquet,
Quercouls ar yam evel an iad,
A yé d'ar banquet var o zroad.

Ha beza déze qezeg mad,
Voa guel gante mont var o zroad,
Gand aoun ua vije lavaret :
Ar remâ zo n'em distinguet.

Red eo beza disqientet,
Qemer poau vit espern qezeg !
An dud zo brema muioc'h fur,
A guemer o oll plijadur.

Brema pa vent er marc'hajou,
E ve gante parapluiou ;
Ze a espern o dillat brao,
Neus fors peguer bras ve ar glao.

Bremâ c'honi ranco consanti
Eo presant speret peb-hini :
Gouechal evel liboudennou
E voa an dud er marc'hajou.

Bremâ zo eun economi,
A ra plijadur en peb ty :
Charabannou e deveus gret,
A espern dê calz ar c'hezeg.

Gant eul loën seul eve treinet
D'ar marc'hat an dud hac an hed ;
Deus ar glao e maint en abri,
O marc'hadurez coulz hac hi.

Amzer zo bed eur meliner
En devoa pemp a guezeg caë
Gant unan seul e rabreman,
Dre m'en deveus eur charaban.

Ze a ra dean economi,
Ar profit a chom en e dy ;
Arc'hant ha boued a chom gantan
Va bennos var ar charaban.

Gouechal ar mignon p'errue
Ebars en ho ty da vale,
Mac'h erruje en eur c'hoesa,
En a gavje laez da eva.

Brema neo qet evel goechal
Gret e ve dean antren er zal ;
Ar guin c'os hac ar liquenrou
A ve servichet d'an autrou.

Bremâ, gant o habillamant,
N'em distinguont p'o deve c'hoant :
Ober ze na ellont qet ès ;
Bisqa reont rac an dud qæs.

Eun domestiq a ve guelet
Quer brao hac e vestr accoutret :
Petra zo cauz a guement-se ?
O gobr ve en avanç gante.

Ar merc'het yaouanq a la fin :
A zo bêt-eun tam muioc'h fin :
Dre eur c'his ridicul meurbet
Int a zo en em distinguet.

E guis lapousset int guisqet ;
Diouesquel o deus, me a gred :
Gigoyou a ve gred ane ;
Eur vez è guelet aneze.

Ar zervicherez a gommanc
Caout ive eun tam decoranç ;
Eur paraplu a ve ganti,
Ker fier ha peb hini.

Goechal e voa n'eur vouiadon
Nefoa peb matez e steuen :
Ennes a voa e zoaleiten,
Ia en amzer ancien.

Ha brema merc'h eur c'hasquer boed
A zoug voulous, franch, colinet,
Eur chal, eur choef dantelezet,
Ar c'haërt ve possabl cavet.

Eur plac'h yaouanq, amzer zo bet,
Ne gasse gourc'hemien a bet,
Güella m'elle patiente,
Quen a yé eur potr e bete.

Collet é privilach an toc ;
Ar plac'h a ya bremā aroc ;
Cass a ra e gourc'hemennou ;
Pa vel na deu den var e zro.

Brao e zeo bea potr bréman,
Rac na vang mann ebet dean :
Ar merc'het yaouanq aro de
Peadra evit ho disfré.

Demeus a gær eur potr yaouanq,
Mar car bean far a prudant,
A rei eur fortun vad, mar car
Monet var ar méz da glasq par.

Bete m'en devo da vale
Eur montr gantan eus e geste,
Cetu-en bremen eun autrou
D'ar re a zo bras o guenou.

Goechal e voa ar veleyen,
An noblanç an dud a bluen
A zougue montr en pēb tacl'en,
Ia en amzer ancien.

Brema, bete gant meveillen,
Potret saout ha quemenerrien,
E veler pe montr, pe chaden,
Collet eo ar c'his ancien.

Ar bla quentan ma temeont
E ve ret guerza ar montur
Evit caout o necessite :
Et ar vanite a geste.

Daou pe dri blavez goude ze
Cetu dé carg a yugale ;
An dillat caér a ve goerzet
Evit caou d'ho bugale boed.

Bremā gant eur porpant lien
En em gav goel faro an den
Eur c'hos bragou a ve gantà,
Losten e rochet o treina.

Ar vreg yaouanq e deus ive
Eur gos cotillonnen bemde,
Hac hi quer lous hac ar pec'hed
An diaoul en dour e deus güelet.

Amzer zo bed eur plac'h yaouanq
A chome pell a fur a count,
A chome pell a fur a count
Rac neve qet a vouin-ardant.

Bremā n'en deo qet er guis-se :
Ret e zeo heuill ar c'his néve ;
E fortion a ya ganti
Qer latous eyel pēb hin.

Ar scoden, pa ve achuet,
E fenn a ve batorellet,
Ha pa ya evit mont d'ar gær ;
E col betec e davancher.

Eur potr yaouanq a ya ganti
D'e c'hundui betec e zy,
Hac hi leun a zour hac a fanq :
Pebeñ enor d'ar potr yaouanq !

Goechal an hostaleriou,
Dreist oll epad an offiçoù,
A vije serret mat an nor :
Bremā e maint dre oll digor.

Bremā, en os evel en de,
Choui a zo erru mad gante,
Quen avo hoc'h arc'hant lippet ;
Goude er mès a viot tolet.

Ar c'his zo bremā evelze :
Caer e zeus preseg d'ec'h var ze,
Ne deufac'h qet surroc'h a ze :
Ret eo déc'h heuil ar c'his neve.

Va speret a zo trubuillet ;
Eun dra am boa c'hoas da laret ;
Fachiri a vo, marteze,
Goude clévet ar virione.

Amzer zo bet a voa an enor
Hac ar merit a ré an decor ;
Bremā na zeller qet ouz se :
Antreit en ty, m'oc'h eus leve.

Bremā eo ar binvidinez
A ve preferet alies
D'an honestis ha d'ar furnes,
Ha mard'oc'h paour, cbommier mès.

Bremā e zeus eur c'his neve
Da elevi ar yugale ;
Vit o güelet oc'h ober fall,
Arabet eo dont d'o zamal.

Pa reont eur mechancete,
O zud a c'hoars o velet se :
Ar buguel a guemer e gre ;
Hac a ra falloc'h goude ze.

Ha pa vezò erru en oad
Da c'honit eur draie benac,
Mar fell d'e dud blam aneàn,
E vo ar réson vad gantà.

Mar lar e dud deàn bremā
O zicour eun tam da veva,
D'e dad, d'e vam vo respontet :
Mo n'och contant, baleet.

Pa vent en eur pardon benac,
Ma velont o mam pe o zad,
Mar deont evit comz gante,
O deus mez o velet ané.

Mar goul unan benac oute :
Ha c'houi anavez an dud se ?
E larout d'o c'hompagneuz :
N'anevean qet ar paour qèz.

Cetj aze an dispriasq
Hac a ra da Zoue offanç,
Dianzav tadou ha mamou
Neus bet gante calz a boaniou.